

【三官大帝感應妙經】

恭請

三官大帝寶誥 志心皈命禮。(三稱)  
惟三聖人。乃一太極。晉受浩劫家之命。  
鼎膺無量品之褒。紫微、清虛、洞陰。  
總領功過。賜福、赦罪、解厄。普濟存  
亡。道冠諸天。恩覃三界。大悲大願。  
大聖大慈。  
三元三品、三官大帝。三宮九府、三百

六十應感天尊。

恭請

上元天官大帝寶誥 志心皈命禮。(三稱)  
玄都元陽。紫微宮中。部三十六曹。偕  
九千萬眾。考較大千世界之內。錄籍十  
方國土之中。福被萬靈。主眾生善惡之  
籍。恩覃三界。致諸仙升降之司。除無  
妄之災。解釋宿殃。脫生死之趣。救拔  
幽苦。群生是賴。蠢動咸康。大悲大願。

大聖大慈。

上元九炁賜福天官。曜靈元陽大帝紫微  
帝君。

恭請

中元地官大帝寶誥 志心皈命禮。(三稱)  
青靈洞陽。北都宮中。部四十二曹。偕  
九千萬眾。主管三界十方九地。掌握五  
嶽八極四維。吐納陰陽。覈男女善惡青  
黑之籍。慈育天地。考眾生錄籍禍福之

名。法源浩大而能離九幽。浩劫垂光而能消萬罪。群生父母。存歿霑恩。大悲大願。大聖大慈。

中元七炁。赦罪地官。洞靈清虛大帝青靈帝君。

恭請

下元水官大帝寶誥 志心皈命禮。(三稱)  
暘谷洞元。青華宮中。部四十二曹。偕九千萬眾。掌管江河水帝。萬靈之事。

水災大會。劫數之期。正一法王。掌長  
夜死魂鬼神之籍。無為教主。錄眾生功  
過罪福之由。上解天災。度業滿之靈。  
下濟幽扃。分人鬼之道。存亡皆泰。利  
濟無窮。大悲大願。大聖大慈。  
下元五炁。解厄水官。金靈洞陰大帝暘  
谷帝君。

恭請

火官大帝寶誥

志心皈命禮。(三稱)

乾元四品。考校火官。運扶乾健。德合  
離明。居太陽丹天之中。統左府注生之  
籍。盛德在火。炎帝持衡。功參佐於三  
元。氣運行於四月。駕赤龍而行南陸。  
照明熒惑之宮。燭朱陵而顯丹臺。煥赫  
文昌之運。輝輝朗耀。炳炳照臨。大悲  
大願。大聖大慈。  
赤皇上品。三炁火官。炎帝真君。洞陽  
大帝。南丹紀壽天尊。

恭請

玄天上帝寶誥 志心皈命禮。(三稱)

混元六天。傳法教主。修真悟道。濟度  
群迷。普惠眾生。消除災障。八十二化。  
三教祖師。大慈大悲。救苦救難。三元  
都總管。九天遊奕使。左天罡。北極右  
垣大將軍。鎮天助順。真武靈應。福德  
衍慶。仁慈正烈。協運真君。治世福神。  
玉虛師相。

玄天上帝。金闕化身。蕩魔天尊。

〈開經讚〉

天地水府。三界高真。無邊法顯大慈仁。  
濟度應良辰。福被萬靈。拔罪出迷津。  
皈命

三元應感大天尊。(三稱)

〈開經偈〉

寂寂至無宗。虛峙劫仞阿。  
豁落洞玄文。誰測此幽遐。

一入大乘路。孰計年劫多。  
不生亦不滅。欲生因蓮花。  
超凌三界途。慈心解世羅。  
真人無上德。世世為仙家。

〈三官頌〉

稽首皈命天地水。三官大帝慈悲主。  
神功妙德不思議。謹運一心皈命禮。

敬誦

太上三元賜福赦罪解厄消災延生保命

# 妙經

爾時救苦大仙。在大羅天上。九炁紫微  
天宮。上白道君曰：集會三元天、地、  
水官。三界四府。眾聖曹官。考校司。  
同諸仙眾。講說經法。救拔眾生。放大  
光明。照見天下萬國九州之地。江河湖  
海之內。閻浮世界之中。受苦眾生。造  
惡非善。廣結冤讎。多行不足。財交弗  
明。不敬天地、日月三光。呵風罵雨。

欺神滅像。瞞天昧地。褻瀆聖賢。不敬  
父母、伯叔六親。姦盜邪淫。不忠不孝。  
非禮非義。斷絕往來恩路。不敬五穀。  
穢污遭賤。不行正道。大斗小秤。明瞞  
暗騙。橫言曲語。白口咒詛。怨天恨地。  
不恤己身。不修片善。天不容。地不載。  
致生惡毒。多起瘟。多招訟非。輕重  
難逃。故作事因。得此苦報。惡難臨身。  
無處解釋。於是

救苦大仙。端簡上告。

三元天官曰。

善哉善哉。此等眾生。遭刑苦難。若有善男信女。皈依三元。齋戒三年圓滿。命道轉誦此經。三五十遍。千五百遍。踴躍懺悔。悔過愆尤。

道君曰。

即有天官賜福。地官赦罪。水官解厄。於是告下三元天尊。即駕五色祥雲。行

九炁清風。至都會府。雲臺山上。放大  
毫光。廣大惠力。無邊法顯。濟民救苦。  
福應萬靈。諸天升降。除無妄之災。解  
有讎之愆。賜千祥之福。脫九厄之難。  
離三途之苦。癡蠢康泰。削去原罪。拔  
除冤根。永消愆尤。父母存亡。霑恩離  
苦。四生六道。餓鬼窮魂。孤魂野鬼。  
九玄七祖。未離地獄之中。存亡眾生。  
杻械枷鎖。囹圄閉塞。於是地官至七月

十五日。即與獄囚、地獄受苦眾生。除罪簿、滅惡根。削死名、上生籍。已去提、未去提。已提至、未提至。已結證、未結證。已發覺、未發覺。逢赦除之。地官曰。五刑十惡等罪。永不赦除。天尊言。顛砸（缺字）齟齬。蛇牙虎口。心如錐刀。惡毒之人。鬼眼鬼心。多計巧言。噴瞞癡愚。蠢子何知。割他肉不念他貧。只念己富。肥家潤身。

使心用心。返累己身。心根結成。罪根難滅。貪財利己。天雷霹靂。瘟氣流行。纏害身體。冤愆相併。併及子孫。於是、救苦大仙再告天官。

天官曰：轉誦此經。至滿千遍。大作踴躍。悔過愆尤。斷惡修善。

即有地官赦罪。所有惡孽愆尤。俱一赦除。心心志志。盡一皈正。恍恍惚惚。耳目心定。神魂安靜。精神復舊。罪滅

福生。無量功德。其福無邊。

道君曰。世間眾生。招瘟惹災。毒氣流行。眾生染著。皆是造惡非善。冤讎相併。致生惡疾。淹延未癒。若誦此經。病即痊癒。若誦經者。至端陽中元之日。即有三元。追回行瘟等眾。考較輕重等罪。俱一赦除。

水官曰。世間夫婦。命犯孤辰寡宿。刑害絕嗣。皆是前生不施。今生受之。若

有善男信女。晨夕好靜。沐浴燒香。燃燈誦經。修齋布施。悔過消刑。便生端正有相之男。聰明富貴之子。聲鎮五湖四海。

宿世今生。故作誤為。謀財負命。今世為兒。取命化財。女人妊娠。三朝五日。不行分娩。或在身兒亡。生下兒亡。三六九歲兒亡。十一二五歲兒亡。一日一夜。萬死萬生。俱是冤愆相臨。化日化財。

騙齋財物。化為畜生。若有善男信女。  
發心施財。齋戒沐浴。轉誦此經。悔過  
愆尤。  
即使愆尤永釋。人鬼分離。產生無難。  
母子雙全。關煞無刑。生長成人。利益  
雙親。經力弘深。祈福福至。禳禍禍消。  
天尊言。饑人冰泮。冤家債主。自消自  
滅。孤魂等眾。九玄七祖。四生六道。  
輪迴生死。出離地獄。即往東極天界。

救苦門庭。救苦地上好修行。只有天堂  
無地獄。閻王一見。不敢高聲。童子夜  
叉。擎拳拱手。牛頭馬面。總盡皈依。  
一十八重地獄。獄獄逍遙。三十三天天  
宮。宮宮自在。超生天堂之境。即無地  
獄之聲。出離地獄。永離苦難。徑往人  
天。超生淨土。快樂無量。一去一來。  
無掛無礙。

水官曰。天下眾生。星辰不順。運限遲

留。凶曜衝併。多生疾病。

或瘟病相侵。或痢疾瘡毒相侵。或腫毒疥癩相侵。氣候喉癢相侵。

咽喉風毒相侵。泄瀉風痰相侵。祖塚瘟氣相侵。住基風水相侵。邪師敗聖相侵。火眼勞瘵相侵。吐血蠱毒相侵。白口咒詛相侵。刀兵火盜相侵。水滄顛狂相侵。吊頸枷鎖相侵。穢門閉瘴相侵。年月日時不利相侵。斫伐壇廟樹木相侵。窆坑

動土相侵。開基開沼相侵。

添新換舊相侵。修前整後相侵。瘧疾疹疾相侵。瘟災瘟氣相侵。官符口舌相侵。致生惡疾來纏。眾生染著。致於喪亡。若誦此經。即使惡疾不纏。吉星相護。凶曜退散。萬禍冰消。千祥雲集。經通天界。福臨人間。

天尊言。

天下眾生。江河湖海。舟航商賈。風波

洶湧。驚惶憂懼。若誦此經。皈依天、地、水官。水府眾聖。即使風恬浪靜。水途安妥。舟航穩載。繩纜堅牢。所謀順遂。諸聖擁護。萬神錫福。

於是天尊而說偈曰。

九炁青天上。日月星斗真。  
天地水官帝。雲雷電鼓隨。  
金童執華旛。玉女捧香花。  
五色祥雲內。放出白毫光。

照一切天下。顯身救眾生。  
慶雲祥煙護。拔離諸苦難。  
興雲布洪雨。驅雷掣電行。  
捲起揚塵土。神氣威猛烈。  
廣大智慧力。法顯無邊濟。  
無極無量法。無量度眾生。  
無極無量光。照出諸魂眾。  
一切冤家鬼。盡離地獄中。  
存亡諸眾生。一切離苦難。

天尊說經已畢。

若誦此經。隨力建功。酌水獻花。其福自應。家有此經。宅舍光明。災難無侵。佩帶此經。萬神擁護。鬼祟永滅。心念不空。福力自然。神力扶持。隨心應口。此經共計一千六百七十五字。字字真詮。句句消愆。行行滅罪。卷卷賜福。一切諸天上帝。三界十方眾聖。聞說此經。皆大歡喜。信受奉行。作禮而退。

《太上三元賜福赦罪解厄消

災延生保命妙經終》

敬送

太上元始天尊說三官寶號

爾時。元始天尊。在大羅天上。八景宮中。與諸天神王。日月星宿。上聖高真。無極聖眾。說無上至真妙法。有一真人。名曰赤腳大仙。越班而出。擎拳長跪。上白天尊曰。下界人民。或有水火刀兵。

疾病生產。鬼魅精邪。天羅地網。一切  
厄難。何由救免。

天尊言。

得道神仙。皆從三官保舉。下方生人。  
但持三官寶號。能除厄難。悉皆消滅。  
吾今授汝下世。流傳人間。看誦者得福  
無量。消一切厄。即說寶號曰。  
北極玄穹。紫微帝庭。泰山岱嶽。  
水國清冷。網維三界。統御萬靈。

三元校籍。善惡攸分。齋戒禮誦。  
無願不成。消災釋罪。降福延生。  
至真妙道。功德無邊。大悲大願。  
大聖大慈。

上元一品賜福天官紫微大帝。  
中元二品赦罪地官清虛大帝。  
下元三品解厄水官洞陰大帝。  
乾元四品考校火官洞陽大帝。  
三元主宰三百六十應感天尊。

女青真人一百二十考校曹官。

爾時赤腳大仙。與諸天神王。真仙大眾。聞說寶號。皆大歡喜。作禮稽首而退。信受奉行。

（太上元始天尊說三官寶號終）

〈完經讚〉

三官大帝。應感十方。神功妙德。廣宣揚。浩劫仗垂光。

普濟存亡。度厄降禎祥。皈命

三元應感大天尊。(三稱)

〔三官經終〕